

Коммунае

СЮРЕС

УАССР-ысь Баловино Райком-тэ но Райисполком-лэн газетсы

17-й мартэ

1937 ппе

№ 25 (493)

14 март Удмурт калык-лэн

исторической нуналэнчэ луэ. Со нуналэ Удмуртской АССР-ысь Совет'ёслэн Чрезвычайной 2-ти с'ездзы Удмурти лэсь Конституцизэ (основной законэз) юматилэ.

Удмуртской АССР-ысь Совет'ёслэн Чрезвычайной II-ти с'ездзылэн участник'ёсыз калыклэн яратоно вождьзылы СТАЛИН эшлы гожтэт лэзизы

Москва Кремль

Сталин эшлы

Удмуртской Республикаысь Совет'ёслэн Удмуртской АССР-лэсь Конституцизэ обсуждать карыны но юматныны люкаськем Чрезвычайной II С'ездзы Тыныд, СССР-ысь калык'ёслэн но быдэс дуннеысь угнетенной ужаса ульсьёслэн быдзым вождьзылы, родной бубымылы но дышетысьмылы удмурт калыклэн нимыныз яратонлэсь но преданностьлэсь зырдыт кыл'ёссэс вера.

С'езд тунэ Удмуртской АССР-лэсь Конституцизэ юматилэ. Та Конституция СССР-лэн Сталинской Конституцизэ гожтэм принцип'ёся, положениос'я но правоос'я лэсьтэмын. Конституцизэ юматон нунал шумпотон всенародной праздникен луиз. Тйни со удмурт калыклэн историз милям республикамылэн шудо но шумпотон улонэлэсь выль страницазэ пыр.э. Удмурт калык понна нуналлы быдэ вискарытэк сюлмаськемед но солы юртэмед понна Удмуртской АССР-ысь Калык'ёслэн быр'ем мурт'ёссы Тыныд, Сталин эш, бадзым тау каронзэс верало.

Шудо улонэ милемды коммунистической партия, солэн быдзым вождьёсыз Ленин но Сталин вугтйзы.

Большевик'ёслэн партизы котыре Советской Союзысь калык'ёслэн быдзым семьязы гранит кадь юн огазеяськемын.

Дуно Иосиф Виссарионович, Тон Ленин бере советской кунэн мудрой кивалтонэз обеспечить карид но сое шудо улонэ вугтйд. Бадзымесь шуг-секип'ёс вормемын но социализм лэсьтонэн исторической вормон'ёс басьтэмын. Данэн но миллион'ёсын лыд'яськись калыклэн яратонэныз котырэм нимыд тынад советской государственностьлэн быдзым творецезлэн нимыз кадь, социалистической стрйлен основной законэзлэн творецезлэн нимыз кадь даур'ёс чоже улоз.

Йни та закон быдэс человеческой обществолэн законэныз луоз. Соеской кун пумитэ фашизм-лэн урмем мракобес'ёсыз сьосьясько. Соослы ненавистной луись ужасьёслэсь но крестьян'ёслэсь быдэс дунне вылын нырысетйзэ социалистической государствозэс зйбыны вылысь соос асьме кунмы пумитэ поход дасяло.

Фашистской буржуазилэн подлой слугаосыз — троцкистко-зиновьевской но правой контрреволюционер'ёс, шпион'ёс, диверсант'ёс, местной буржуазной националист'ёс Советской Союзэ капитализмез берыктыны, сое берен пуктыны белысь, сяськаяськись национальной республикаосты зйбыны вылысь куашкатон уж нуизы. Та гад'ёсты ми пумозяз быдтыны кыл сётиськом.

Калыклэн тушмон'ёсызлэн гнустной ужзы пумитэ революционной бдительностез вискарытэк жугыны кулэ луон сярсы тынэсьтыд мудрой указаниостэ ми нюр'яськонмылэн но ужмылэн котькуд вамышаз тодыса ульськом.

Социалистической Удмуртия аслэстыз Конституцизэ юматонэн-народной хозяйстволэн вань люкет'есаз йк выль кужмо жутсконэн пумита.

Ми, Сталинской Конституцизэ асин'есмес кадь возьмалом. Тйни солэн зарни кыл'ёсыз адыми сярсы быдзым сюлмаськонэн, ужаса ульсьёсыз яратонэн тырмемын. Милям калыкмы Ленинлэн-Сталинлэн партизылэн знамяез улын аслаз национальной культураезлэн эшшо но бадзым сяськаяськоназ мынэ. Азылань, коммунизме та вормыса мынонэз дугдытыны быгатись ноныче кужым ёвл.

Дано мед зуоз быдзым Сталинской Конституция но солэн творецез!

Дано мед луоз Советской Социалистической Республикаослэн Союззы—Ленинэн Сталинэн кылдытэм кужмо трэс национальносте социалистической государствол

Кема ар'ес чоже мед улоз асьмелэн быдзым вождьмы, родной бубымы, дышетысьмы Сталин эш!

Удмуртской Автономной Советской Социалистической Республикалэсь Конституцизэ (основной законэз) нутоны сярсысь

Удмуртской Автономной Советской Социалистической Республикаысь Совет'ёслэн Чрезвычайной II С'ездзы пуктэмез

Удмуртской Автономной Советской Социалистической Республикаысь Совет'ёслэн Чрезвычайной II С'ездзы пуктэ:

Удмуртской Автономной Советской Социалистической Республикалэсь Конституцизэ (основной законэз) С'ездлэн Редакционной Комиссиеныз редактировать карыса сётэм проектэз нутоно но Российской Федеративной Социалистической Республикалэн Конституцизэ 19-ти статьяезлэн „б“ пунктэз'я юматныны Всероссийской Центральной Исполнительной Комитетэ сётено.

С'ездлэн президиумоз.

Удмурт калыкы социализм шуд ваиз. Со адзэнтэм секут но зйбет улын улонэз, капчиомытйз но шудо кариз.

5 мартэ кутскыса 7 нунал чоже удмуртской самодеятельностез но профессиональной искусствоез возматон мынйз. Отын таланто удмурт калык выль искусстволэсь образец'ёссэ возматйзы. Удмурт калык творчество мур содержанизэ возматйз.

Отчы асьме районысь 5 мурт ветлызы. Ваньзы соос „Трактор“ но Б-Юнда колхоз'ёсысь луо. Нимысь вераса Биянов Илья, Биянов Алексей, Марьяна Анисья, Урасинов Трофим но Урасинова Евдокия луо.

15 мартэ соос ваньзы ик „Коммунае сюрес“ газетлэн редакцияз ветлыса, Удмурт искусствойн участвовать каремзы но куюамзы сярэсь вераськызы. Биянов Алексей Трофимович 69 арес'ем пересь тазы мадиське: „Милемыз Ижевскын туж умой пумитазы. Умой квартирае пыртыса, адзылымтэ пружинаё койкаос вылын кёлатйзы. Озы пумитам бере милям мылкыд жутскиз. Со пумысен ик умой шудон'ёс но эктон'ёс сётыны туртйим. Ми вашкала бесермян дйсен дйсяськыса эктймы но удмурт сямен куюоосыз келян мадез кырзамы. Туж яраз лэся милям выступлениосмы учкысьёс киоссэс чапкемысь но уг дугдыло. Ми кадъ вашкала дйсен дйсяськем'ёс но нокин ой вал“.

Урасинов Трофим Никифорович ачиз „Быз“ нимо шудон лэсьтыса, отын со бызэныз шудэмез сярэсь вераськыз. „Мон ачим шудон лэсьтй—шуэ со. Мынам лэсьтэм шудонэлы нош, тужгес ик паймизы учкысьёс. Мынам сяна нокинлэн биз шудонэз ой вал. Сотын учкысьёслэн мынам кадъ шудон'ёсыз адзылэмзы но вылымтэ на. Соин ик туж паймо. Шудыны кутскыско ке, мукет'ёсыз эш'ёсы эктыны кутско. Со тужгес ик учкысьёслы яраз—шуэ Трофим Никифорович.

Анисья Павловна но Евдокия Степановна улонлэн шулдыр луэмез сярэсь вераськызы. Мар но ми Ижын ём адзелэ—соос верало—нокызы вераны ум быгатйське. Кытысь адзед вал азьло тае улонэз. Нылкышно мурт гуразьлэсь палэнэ кошкыны ёз быгатылы азьло закон'я. Тужгес ик одйгезлы

Милям шудмы

кёт куректэ, дышетскытэк кылймы—шуо соос. Тае шулдыр но шудо улон мылкыдэз жутэ но пинал луэм потэ на—соос ватсало на.

Илья Васильевич улон чожаз кык пол Иж каре ветлэм ни. Азьло ветлыкуз солы 15 арес гинэ вылэм на, али нош 62 арес ни. Тйни со дыр'ёс кутпын Иж карлэн воштйськемез сярэсь мадиськыз со.

—Нырысьсэ ветлыкум отысь из коркаез мон ой адзы. Асьме районысь „Кестым“ кадъ бадзымез гурт кожало вал Ижевскез. Одыг-ог 2 этаж'ем коркаос вал ик. Электричество но ой вал на, фонар'ёс жуало вал. Нокыче машинаосыз адзыны ёз луылы. Мар бен, урам'ёсы но нодоно кадъ вал но, кызы оти машинаен ветлод. Завод нош кузылы кар быдча гинэ вал—озы мадиське со Ижлэн азьло тусэз сярэсь.—Табере нош Иж кар тодмантэм воштйськем—вераськонэз кыскытэ Илья Васильевич. Мар быдчаесь со из коркаос. Со коркаос шоры учкысько нэ малпасько: кёня меда отчы кырпич быдтэмын, кызы меда соогыз возыны муз'ем чи-

да? Одыг кылын вераса пайми. Пушказ нош пырыське ке йыромыське. Нуназе озы ветлы но жыт вуиз. Мар бен жыт ик уд шуы, электричество нуназе кадъ ик урам'ёсыз югыт каре. Завод нош нокызы вераны луонтэм бадзым луэм ни.

Азьло урамтй нодлэсь кышкаса ветлыськыз, али нош автомашинаослэсь легамзылэсь кышкаса кадъ ветлыське. Сотын ик ноку адзылымтэ машина вань. Сое трамвай шуса нимало. Тйни Ижевсклэн тусэз сые воштйськем.

Удмурт искусстволэн декадаяз ветлыны быгатэммы—со милям шудмы.

Трос вераськыса берлумаз юа одйгез. Азьло вот Иж но пёчи вал, али нош тодмантэм ни. Кызы сое лэсьтыны быгатйзы? Мукетыз вера: ма, уд тодыськы шат, коммунист парти сое лэсьтэ. Ваньзэ со азинлык'ёсыз адзон дыр'я Сталин эш тодэ лыкйз. Озы вераськон быриз.

Соос искусствоэс умой возматйзы шуим ини. Соин ик азьмынйсьесын чош Киров каре искусстволэсь декадазэ ортчтыны соосыз келям на. 15 мартэ соос Кирове мынйзы ни.

В. И.

Говят'ес пёлысь

„Дасяськытэк но быгато..“

8 тй мартэ—международной нылкышно нуналэ Юнда колхозын торжественной заседание ортчиз. Международной нылкышно нунал сярэсь докладчикен Ягошур НСШ-ысь дышетысь Е. К. Лекомцева вал. Лекомцева, доклад лэсьтыны колхозник'ес пёлын дасяськытэк но быгатод шуса малпа-

меныз, докладлы зэм ик ёз дасяськы. Озы бери Лекомцевалэ н доклад лэсьтэмез тодмо луиз. Заседаниын, 8 Март сярэсь обшой обсуждение но серек'ян гинэ луиз. Куд колхозницаос нош заседаниысь жыные кошкызы,

М. Калинин.
М. Урасинов.

Алимент тыремлэсь пыкыськыса улэ

Бахтиево колхозысь Горбушин Василий Федорович куать толэзь чоже алимент тыремлэсь пыкыськыса улэ ни. Куке но судисполнитель солэсь коньдон куке, котку „коньдон ёвёл шуса улэ“. Нош ачиз Горбушин быдтырзэ кудзыса улэ. Алимент тыронлэсь палэнскыны понна Корепановаез коткызы уговаривать каре. Сёто пе мон тыныд 50 манет но, собере ноку но эн куры ни. Коньдонлэсь ёрмем муртаин но согласиться карыськыны дась улэ. Малы дась уз луы, Ко-

репановалэн пиналыз куддыр'я сютэк улэ ук. Горбушин колхозын сяна „Коммунар“ нимо артельын но зарабатывать каре. Озы ке но судисполнитель Чирков, тй злосной алимент тырысьтэм муртэз ёд шымыртэ на. Та уже оло прокурорлэн вмешательствоез кулэ-а?

Гаврилов

Отв. Редактор А. А. Гаврилов
Поттйсь райисполком

Удмуртполитграфтреста